

مکملہ ادبی و سیاسی رسالہ

ادبی و سیاسی رسالہ اسبوعیہ در

۳۱ نجی سنہ

۲۵ ربیع الاول ۱۳۳۰

پنجشنبہ

جزو عدد : ۱۳۷

انواع مختلفهٔ حرب

سوسیال دموکراتلرله مصالحه پرستشکارلرینک مساعیسی . مصالحه
پرستشکارلرینک درمیان ایتدکلری تکلیفاتک ممتنع الاجرا اولوشی .

« مسئلهٔ اجتماعیہ اساساً بر اقتدار مسئلهسی در . » بوافاده پرنس پسمارقه عطف
ایدلکده در ؛ اگر صحیح ایسه اقوالده مشارالیه ۱۸۶۶ سنه سندن اول سویل دیکی
آئیده کی جمله سنده اولدینی کبی مذکور افاده حقیقتی بیان ایلشدر : « آلمان
مسئلهسی یالکیز قان و دمییر ایله حل ایدیله بیلیر . »

شم دیکی افاده نك افادهٔ سابقهسی قدر حاز قیمت و اهمیت اولدینی دائماً پیش
نظر دقتده یک زنده اوله رق طوطیله جق اولورسه یک ای اولور .

آنك نظریات و تمایلاتی (سوسیال دموکرات) لرا اکثریات تصویر ایتدیلر ، فقط
آنلرک قومدن فعله حقیقهسی حقنده اختیار سکوت ایدیورلر . حرب ، شان
و شرف حرب قارشى فریاد هذیان آلدولرینی بالاده بیان ایلش ایدک ؛ آنلرک
لساننده عسکرلک اساساً بومقاصدك استحصاله خادم واسطه دن عبارتدر . معافیه
بو خصوصده دخی آنلر دائمی بر حال نفاقد بولمقده درلر . آنلردن بر قسمی ،
سوسیال دموکراتلر دخی مجادله ده وطنه قارشى بورجلی اولدکلری خدمتی ایضا
ایلدیکنی درمیان ایدیور - دیگرى ایسه روسیه به قارشى بر حرب اجراسی مقدسدر ؛
بارسده بلدیہ داره سنده اجنبی سوسیالیستلرینه پونج ورن خیر خواه فرانسه دکل .
دشمن روسیه در دیور ؛ اوچنجیمسی ایسه آلساس لورهن الحاقنی برجنایت عد ایدیور
و فقط اعاده سی حقنده کندى فرقه سئك اصلا شق شفه ایلدیکنی سویلیور ؛

استیلايه الوريشلى اولمديغندن طولاي يالگنز ميليس عسكرى استخدای ايله فرانسه يي مكلف قیلى ایش ۱.

اساساً سوسیال دموقراتلر بر « میللیس عسکری » استخدای کبی آخر نصیحتلر اعطاسندن خالی قالمورلر و - رايخستاغ مجلسنده اسويچره میللیس عسکرینک بزم افراد عسکریه مزدن دها فنامی محاربه ایدم جکلرینی ظن ایدورسکمز؟ » سؤالی ایراد ایدیورلر - هر نه قدر بعض احوال حربیه آنلر طرفندن ممکن عد ایدیلرک قبول اولمقده بولندیفی حالد سوسیال دموقراتلر مصارف عسکریه ایچون اون باره اعطاسنده مصرانه عناد ایدیورلر ، حال بوکه بزی تهدید ایتمکه بولنان قوتلی دشمنه قارشى بزی حمایه ایدم جک اولان واسطه عسکردن عبارتدر .

مسائل حربیه حقنده اختلاف و تضاد افکار ايله بولنلرک نتایجی سوسیال دموقراتلرک افادات و تحریکاتنده اول قدر لایتنهایدرکه تعدادی ناقابلدر ، بناء علیه بوقدری ايله اکتفا ایلورز . - فقط بوتضاد افکار ، طرفدارلرینک کوزلرنده کنیدیلرینه قارشى برضرری موجب اولمور ، چونکه اول امرده کتله ناس آنلری بولوب چیقارم جق لیاقت و استعدادی حاز دکل ، ثانیاً قواعد و ترتیبات حاضره جمعیتک و صور احوال ملکیتک تبدیلندن عبارت اولان ماده اصلیه و یا « مارکس » ک صفوت قلب ايله دیدیکی کبی الک آشاعی و فقیر اهالینک دیقئتور لکی هنوز ذائقه بخشا اولمقدهدر .

مادام ا بومبادور ا دیور ایدی که : بزدن صکره طوفان ! Après nous le déluge سوسیال دموقرات رؤسای دخی شویله دیلیدرلر : بزدن صکره هرج و مرج ! - و بوهرج و مرجدن صکره اسکی کولنجلی اویون ینه انکشاف

۱) مذکور رايخستاغ مذاکراتنده بویله بر شرطک ، اولجه آلمان اولان برابانک ضیاعندن دهازاده فرانسه نک حیثیتنه ، عزت نفسنه طوقنه جفی حقلى اوله رق درمیان ایدلشدرد . میللیس عسکرینک قیمتی حقنده کی تضاده دقت ایدلسون . عسکرلک الکبانی بیلمیان و بیایلدک ایسته میان اشخاص ايله مباحثه ایدیله من .

و دائما تكرر ايدجك : ديقتاتورك سيف مسلولى و هيئت مجموعه سـنك نامنده :
مجادله . حرب ۱ دینه جك .

پرستشكاران مصالحه نك تحريكات جديده سى نظرى اوله زق حربيه دائر
دها نتيجه لى صورتده وقوع بولمقده در . حتى بونقطه نظر دن سوسپال ده موقراتلره
نسبتله دها راديقال بولنيورلر .

فكر مصالحه انكشافات تاريخيه سنه برعطف نظير ايدلم :

قرون قديمده پك منفرد اوله زق تمايلات متشابهده بوللمش اولديغى كوريندور .
قرون وسطى ده پايا - ايسته كلديكى زمان - آره صره ينه حامى آسايش
كچينه بيلمك ايچون بونى تجربه يه قالفيشيور و فقط ديكر طرفدن صلبى يالگيز
مسلمانلرك عليهنه دكل . حتى قاتوليقي عقايدينه مخالف اولان خرسيتيانلره قارشى
دخى تحريك ايتمكدن خالى قالميوردى ؛ مختلف حربلره بالذات اشتراك دخى ايدنيوردى .

۱ بلهوسللك اك هذيان آلود اولان جهنلرينك برى برسورى خلقك شمدى تخيل
ايتدكلى شى آلمانيا سوسپال ده موقراتلرينك كندى مقصدلرينى بللاى اصولونه مطابق
اوله زق شمدى حكومت داخلمده بيوهرك « طريق آسايش داخلمده استحصال ايتك
ايسته دكارينه قانع بولمليدركه ديكرلى ايچون لازم الامتثال حسن مثال تشكيل ايدمك .
» اوت آمارشيستلر فنا شخصلردر ، فقط سوسپال ده موقراتلرك آنلرله بر جهت مناسب
واشتراكلى بوقدر . خير خبر ! ايش اوله دكل ! - آمارشيستلر سوسپال ده موقراتلر
ايچون پك ايني آدملردر ؛ چونكه آمارشيستلره نسبة كنديلرينى ملك كى كوسترمك ايچون
ايشلرينه كلديكى زمان آنلره فرصت بخش اوليورلر . - آمارشيستلر هيئت مجموعه ايچون
مخاطره لى دكلدرلر ، اصل يكانه مدهش دشمن حائر تشكيلات اولان آلمان ، سوسپال ده موقراتلر ده ؛
بونلر بزم اصول عسكرى مژده ضبط وربطى نسيان ايتشلردر . كچنلرده رايخستاغده خطيبك
برى طرف مقابل فرقه سنه سوسپال ده موقراتلردن خوف و نحاشى نى اسناد ايش ايدى .
پرنس بشارق ايله برابر درزك « قورقو آلمانلرك قبلرلنده ير بوله ماز . » . اردو اوراده
طوردقجه و - آتش ايتدكجه بلهوسلك قورقه ماز ، عيني سكر كوى دوشونه جك اولورسه ق
احكام واحوال قليه مژدوجار نيدل اولور . - آلمان سوسپال ده موقراتلغنك افكار ومقاصدى
حقنده نفسى آلداده بيلمك رؤسانك محرراقمده ، نطقلرده سويله كلى ، (بيلك) ۱۸۷۱ سنه سندن
۱۸۹۲ سنه سى (قورومرئس) ك « قرمى باسقاليه سنه قدر پروله تاريانك (ناسك قسم قبرى)
صدى حربى « دوشونيله جك اولورسه مجال . - فقط بو نطقلر طبق بر چوق يانقين راكتلرى
كيدرلركه طريقى حركتلرى اوزرنده كرى دونلرى غير ممكندر .

— حتی بابا ایکنجی بولوس النده قلیچ اولدینی عالد — و همده بالخاصه ۱۵ و ۱۶ نجی عصرلرده ایستالاده حکمفرما اولان اودناتسکارانه صنعت حکومت فکرینه موافق اوله رق هجوم قولک باشنه یکمشد.

۱۷ نجی عصرک نهایتنده انکلتزده بر صلح ابدی فکر و تمایلی — عینی انکلیزلرک دائمی اردویه قارشى بر فکر نفرنی ایله برابر — میدان آلدی .

اوروپا حکومتلری آرمسند بر اتحاد صلح عقدی ضمننده فرانسه قرالی دردنجی هازی طرفندن واقع اولان تکلیفاتک جدی اولوب اولدیغنی و آوستریا حکومتی ضعیفلتمک مقصدینه مبتنی بولوب بولندینی صوگ درجه مشکوک کورونمکده در . فقط شوراسی محققدرکه دردنجی هازینک ۴۰۰۰۰ نفر قوتنده اولان اردولری اساساً آلمانیده وقوعه انتظار ایدلمکده بولان یولج قله و منازعه وراثندن متولد حربه اشتراک ایتمک ایچون حرکت حالنه وضع اولدینی صرمده ایدی که (راواپاق) ک بیجاغی مشارالیه اصابت ایتمش ایدی .

بناءً علیه — قلیچلری دائماً حریت اعتقاد مسئلهسی ایچون سل ایدلمش و فضائل عسکریه لرینه فکر انسانیتسکارانه لری رفاقتده بولتمش اولان — بو حرب قهرمانلری شمدیکی محبان مصالحه کنندی فعل و حرکتلرینک طلیعه نامدارانی صفتیه کوسترمکه چالیشملری پک زیاده سوء موفقیته منتهی بر تجربه در ۱۱

ایلمک کتاب نظری بی راهب سن پیه « اوروپا حکومتلری آرمسند مصاحفه عمومی پروژهسی » عنوانی ایله نشر ایلشد .

بو پروژیه اون ایکی مادهنی محتوی . درج ایلش اولدینی مقاوله نامه اوروپا حکومتلری آرمسند عقد اولنه حق اتحاد اساس تشکیل ایلیه جک ایدی . تحدت ایده جک بالجمله منازعات سربست برملکتده اجتماع ایده جک اولان بروکلای اتحاد هیئت طرفندن حل و فصل ایدیله جک ایدی .

بو ماده لر آرمسند پک زیاده شایان دقت بر ماده بولتمقده ایدی که بر فرانسرک هیچ بر وقت ملتک منافعی پیش نظرندن دور طوتمدیغنی اثبات ایدر . آلتنجی ماده شویله ایدی : اسپانیا تاجی دائمی اوله رق بوربون خاندانه عاند قاله جقدر .

۱ « حرب فصل قالدیریله بیلیر ؟ » اسمنده کی کتاب ، صیفه ۴۰

ها ها! «اسپانیا وراثت مسئله سنك تماماً حال اشتعالده بولنديغی بر زمانده»
 راهب (سن پیر) یازیوردی. بو، طبق اق مصلحه قونفره سنی اخطار ایدپورکه
 اورداده فرانسز مرخصلری يك زیاده بیویان پروسیه قارشى یالگنز بر حربك
 لزومی اولدیغی اعلام ایلدورلردی.

بوندن ماعدا بوماده لرك ایچنده عصیان واغتشاشلری تسکین، اوروپا جمعیتك
 شایان نفرت دشمنلری حقنده سلاحه صارلق، درحال اجراءات متحدهیه مباشرت
 کبی فقره لری نقصان دکل ایدی.

هان ایکی عصر قدر قدیم اولان بو تجربه داخلنده فکر مصلحتك وجود-
 پذیر ایدلمسی حقنده بسط ایدیلان مطالعه نك زمانزده میدان آلان باطله هیئت حکم
 ویا حاسمه تشکیلاتی ایله طبان طبان ضد اولدیغی کوریلور. بنابراین شایان نفرت
 اولانلرك تأدیجی، عصیانلرك تسکینی، اجراءات متحده! يك اعلامی بوجردن
 بشقه برشمی در؟ - و شایان نفرت عد ایدیلانلر اغلب احتمال اوله رق هان دایم بغیر
 حق شایان نفرت طوتیله جق.

۱۷۹۵ سنه سی (قانت) ك «مصلحه ابدیه» اثر ينك انتشارینه قدر ۱۸ نجی
 عصرك گذران اولان دورهٔ زماننده فرانسه اختلالی احضار ایدن فرانسه نك
 مشهور فیلسوفلری اجرای تأثیرادن خالی قالماقده ایدیلر؛ فقط هیچ بر رده
 اصول داخلنده اوله رق بر صلح ابدی فکر ينك موضوع بحث ایله مجادلانده
 بولندیغی کورم یورز. واقعا بر قاج فرانسز بحرری شوراده بوراده صنعت سلاحی
 ممکن مرتبه تذلیل ایتمکله اشتغال ایتمکده بولتمشلسده بو خصوص - بیوک
 فرم در یقك يك طوضری اوله رق سویلدیکی کبی - یالگنز مترهس قهرمان و سردار -
 لر ينك قومانده لری آلتنده کندی اردولر ينك مغلوبیات محجوبانه سنی ستر ایتمك
 مقصدیله وقوع بولمقده ایدی.

بو ماده حقنده بر نظریه ایلك دفعه اوله رق اق بیوک شرقی روسیه لينك
 اثرنده وجوده کتیرلدى. اثر مد کور حقنده بوراده مطالعات مؤاخذمه کارانده
 بولتمشزدن مقصد بویله بر آدمه قارشى تجارب مکتسبه تاریخیه نك یکانه و یالگنز
 اوله رق یزی بر حکم اعطاسنه قابلیتلی قیلسندن نشئت ایتمکده در.

بالاده بیان ایلش ایدک که (قانت) بالخاصه صلحی هیچ بروقت « حالت طبیعی » اوله رق ادعا ایتماش ، بالعکس وجود پذیر ایدمک لزومی در میان ایلشدر .
قانت ، حالت طبیعی تعییرندن بوراده برحقه مستند مناسباتده بولمقسنزین افراد و یا اقوامک یکدیگری یانسنده بولمقارینی مراد ایلش یعنی کندی فوقده بر قوه عالی طانیامشدر .

قانت موضوع بحث اولان اثرنده بر مواد ابتدائیه وجوده کتیرمکده درک آنک نظر مطالعیه آلمسنه حاجت یوقدر؛ چونکه اثر مذکور - اردوی دائمیک الفاسی تکلیفیه برابر - عقد مصالحه ایچون بعض قوانین اخلاقیه بی ، منفرد حکومتلرک یکدیگره قارشی طور و حرکت و معامله لرینی دخی احتوا ایتمکده و تکلیفاتنک مقصد حقیقی واصلیسی اولان حرب اجرانسه یالکنز پک آرتماس ایتمکده و آنلردن بعضیسی مثلاً بشقه بر قومک مسائل داخلینسه مداخله ایتمامک قاعده اساسیه سی عصر مزک (عصر سابقک) نصف اخیرنده همان عمومیتله جمله نک مظهر تصویری اولمش بولمقده ایدی . ایلک ماده قطعی هر حکومتده قواعد و اصول مدنیه نک جمهوریت اوزرینه مؤسس اولسی تکلیفی محتوی ایدی .

بوندن استخراج ایدیلان نتایج غیر صحیحه بونوع اصول ادارهده (جمهوریتده) تبعه حکومتک بر افاده سی ایله حربک منع ایدیله بیله چکی مسئله سیدرکه بالاده شواهد تاریخییه استناداً بونکله مشغول اولدق (فصل ۶) فقط برای ایضاح بوراده شونی دخی علاوه ایدم بیلیرزکه قانت جمهوریتی شکل حکومت آلتده یالکنز ده موقراتیق مراد ایتموب ، بالعکس دیورکه : « جمهوریت قوه اجراییه بی (قوه حکومتی) ، قوه تشریعیه دن تفریق ایدن بر قاعده کلیه (پرنسپ) حکومتدر . اداره مطلقه بالذات وجوده کتیردیکی قوانینک حکومت طرفندن صلاحیت تامه ایله اجرایی اولوب بوضرهده آرزوی عمومی دخی حکمدارک کندی آرزوی خصوصیه سی اوله رق نظر مطالعیه آنور . »

قانت تعاقب ایدن جمله لرده ده موقراسی علینده بالضروره مطلقیته منجر اوله جغفی ، اوتوقراسی علینده ایسه مشروطیت ادارهیه منتهی اوله جغفی بیان ایلدور .

بونگلہ برابر کنیدیسی و قبلہ اور ویا حکومتلری میانده یالکیز انکلتزده موجود اولان اصول مشروطیتہ طرفدار ایدی؛ فقط شمیدی اسویچرہ ، روسیہ ، ترکیہ (۱) مستثنا اولق اوزرہ عموماً مشروطیت ادارهده مرکز ثقلت قوتک بعض حکومتده دها زیاده پارلمانہ ، بعضیسنده تاج حکمداری به تمایل اولسی اوقدر شایان اهمیت دکدر . فرانسه اصول جمهوریتی دخی مشروطیت ادارهدن (مبعوثان واعیانندن مرکب) عبارت اولوب مرکز ثقلتی مجلس مبعوثان دائرہ سنده در . غیر مسئول رئیس حکومت و مسئول نظارتلری حاویدر .

« قانت » کف اصول جمهوریت دیمکده کی آرزوسی خیلی زماندن بری اورویاده وجود پذیر اولمش دیمکدر ، فقط بوگا رغماً یه حربلر وقوعه کلدیکی کبی آرتق وقوع بولمیه جق کبی بر حال و علامتی ده حائز بولنما مقده در .

اوستریالی مادام (لایارون برتافون سوت نهر) طرفندن نشر اولنان بر رسالهٔ شهریده فکر مصالحهٔ نک ترویجی حقنده مندرج « سلاح یرہ ! » عنوانی مقاله ده : انکلتزہ ، اسویچرہ ، فلنک ، بلجیقا ، دانمارقه حکومتلری عادی بر تواضع جرمانیا کارانه ایله « آسایش پرور آریستوقراسی » حکومتلری اوله رق ارانه ایدلمکده در . دها صکره ایسه « بونلر حکومت سائرہ به نسبت سلم مدینتک ائک یوکسک قدمه سندن بولندقلری ایچون حرب ایتما مکده در لر » دینیور .

بوسوزلر ایسه انکلتزہ حکومتک ۱۸۵۴ تاریخنده روسیہ به قارشی حرب ایتدکدن و قطعات سائرہ جهانده حاکمیت تجاریه یی تأمین ایتک ایچون حربلر اجرا ایلدکدن صکره در میان ایدلمکده در ؛ هیچ اولمازسه اسماً بر آلمان اولدیعی آکلاشیلان محرره صوگ دهماللر ائساننده آلمانیا به ایکی دفعه اعلان حرب ایدن و ۱۸۷۰ سنه سی آلمانیا به اعلان حربی مجلس نظاری آتجق بر رأی فضلہ ایله رد ایلان دانمارقه دن بووجهله بحث ایدیور . ایشته مصالحه پرستشکارانک حقایق تاریخیه یی نه قدر طوغری نظر مطالعه به آلدقلرینه بر مثال . واقعا دانمارقه حقنده « تکمیل استقبالده » سوزی علاوه ایدلمکده در ؛ فقط یکنی بر حربدن صکره نصل بویله نتیجه استحصالده حکم اولته بیلیر ؟

(۱) مشروطیت اداره مزدن مقدم یالذیفندن طولانی .

اساساً بیطرف اعلان ایدیلان بلجیقا و اسیویجره مدینتک الیوکسک طبقه سنده بولنوب هر حربدن اجتناب ایتمکده بولنان ملت اوله رق کوسترلمکده در . قلهریقاللرک محکومی اولان و رأس المال اغتصابی ایله بسبتون مخاطره ایچنده قالان بلجیقا !

ایکنجی ماده قطعیده قانت ، سن بیهرک « اتحاد صلح » طلب ایلدیکی کبی ، بر « اتحاد اقوام » طلب ایتمکده در . اتحاد اقوام ایسه . بر حکومت منظمده یاشامقده اولان افرادی منازعات فعلیه دن اجتنابه محکوم ایدن قوه قانونیه یی حکومت سائریه دخی توسیع و تشمیل و تدریجاً بالجله اقوامی احتوا واحاطه ایدجک صورتده نقطه مرکزیه ده قوتلی بر جمهوریت تشکیل ایللی ایش . - اگر بزحال حاضری نظر معالیه آله جق اولورسوق کوریرزکه قوتلی فرانسه جمهوریتی بوگا دأر برشی ییلمک ایسته میوب ، بالعکس اوتوقراسی بر حکومت اولان روسیه نك معاوتی ایله آلمانیایی اسکیدن ایچنده بولندیغی اقتدارسزلق حاله سوق و ادخال ایتمک فکرنده بولنمقده در . انکلتزه ایسه حال حاضرده میدان چیقان بوکی تکلیف لری ارباب سیاستی لسانندن دائماً کمال قطعیتله رد ایلکده و حتی دکزده اموال خصوصیه نك صیانت ایدلمسی کبی حربده تسهیلات خصوصنی بیله نظر مطالعیه آلامقده در . مع مافیه بو خصوصده حقلیدر ؛ چونکه اموال خصوصیه . معصومه یی حربه خادم اولان مواددن تفریق ایتمک غیر قابلدر .

قانت - اتحاد حکومتاه مقابل اولوق اوزره - حکومت اقوامدن بسبتون فارغ اولمقده در . چونکه اقوامک کندی استقلالیتلرندن فارغ اولوق ایسته مدکلرینی بحق فرض ایتمکده در . بو خصوصده ایسه هیچ برشی قبول ایتمامشدر . هر نه قدر سوسیال ده موقراتلر اکثریا افکار وطن پرورانه یه مخالف وضعیتلر آلمقده ایسه لرده کتلات عظیمه اقوامک اختلاف السنه دن ، خصائل طبیعیه لرندن طولانی آنلره اتباع ایتمه چکلری طبیعیدر .

اوجنجی ماده قطعیده عمومی بر جهانداش (قوزموپولیت) حقندن بحث اولنیورکه بو ، برحق زیارت اوزرینه مؤسس بولنوق اقتضا ایدیور . بو حق زیارت ایسه آنلری مناسبات آسایش وطن پرورانه یه سوق ایلر . بالعکس قانت اقوام

غير مدنيه ايله مسكون اولان محللری صاحبسز برمالكانه فرض ايدەرك آنلری
بد تصرفلرينه كچيرمك ايسته ملرندن طولاي اوروپا ملتيريني پك شدتلى مؤاخذه
ايدور .

احتمالكة اخلاق نقطهٔ نظرندن بوخصوص تصويب ايديلير . فقط بوججهله
حركت ايدلمزسه جهانك نصل برحاله بولنش اوله جفته كافى بر جواب طلب
ايدورز . اكر بياضلرك قليجي آمريكا طريقى جبراً كشاد ايتماش اولسه ايدى
مدنيت حاضرەلرى مصالحه برستشكارلرى طرفندن شمى اوقدر مدح واطرا
ايدلكده بولان آمريكانك بويله مظهر ترقيات اولق احتمالى وارمى ايدى ؟ اكر
بز فو حائزه بك زياده حائز طنائيت اولان « حياه مقاوله نامه سى » عنوانى اعطا
ايدەجك اولورسەق اولكنه نسبةٔ دها زياده ايدولمش بولميورز . ايسته بوراده
غير قابل مقاومت اولان قانون طبيعت بشكارر اجراى احكام ايدەرك نسل بشرك
انكشافات و ترقياتى ايچون مجادلەينى بر واسطهٔ ضروريه . بر عنصر سائق اولق
اوزره اراده ايلر .

اوروپا حربلرنده بولنغه مألوف اولان هراموسلى محارب ايچون قبائل غير
مدنيه نك كويلرينى غارت و احراق ايتك قلباً هيچ آرزو ايديله جك شى دكل ايسەده
مع التأسف احوال خصوصيهٔ بورالده دها ظالمانه حربلر اجراستنه مجبوريت
الورمكده در .

بك زياده شايدان حيرت بر مبحث ايسه بو ماده لره « مصالحهٔ ايديه نك تكفلى »
ديه بر « علاوه » موجود اولمسيدر .

قانت اقل امرده انسانلرى كرهٔ ارض اوزرنده جهات مختلفهٔ سوق واسكان
ايتديرمك و آنلرى غير قابل سكنا اولان هر يرده تايمين و سائط ايتك ايچون
طبيعتك و سائط حربيه مراجعت ايدليكى و فقط عين زمانده حرب انسانلرى
مجتماً بولنديرمغه و حكومت تأسيس ايتلكه مجبور قيلديغنى اثبات ايتك ايسه يور .
بناءً عليه ، بزم ادعا ايدليكمز وجهله ، حربك تاثيرات مدنيتشكارانه سى ديتك
اوليوركه بوراده اعتراف ايديليور . فقط مطالعه سنده دوام ايدرك ديوركه : ملتير

دیگر طرفدن منافع متقابلہ و افکار تجارہ سایہ سنده « کہ حرب ایلہ برابر موجود اولہ ماز » یکدیگرہ تقریب ایدیلیر و حربدن اجتناب ایتک ، او توسط سایہ سنده آتی منع ایلک تمایلاتی مصالحہ ابدیہ ایچون بر درجہ ضامن و کفیل مقامہ قائم اولور . قانت دیورکہ : آشکاردر کہ بو خصوص یالکیز مستقبل حقندہ معلومات کاهنہ اندہ بولنہ میہ جق قدر برامیت غیر کافیہ ایلہ واقع اولور . لکن بو وجہلہ بر فکر عملیہ واصل و (سادہ و همی اولمیان) بو مقصد ایچون اجرای مساعی وظیفہ صرہ سنہ داخل اولور . »

منافع تجاریہ نیک حتی ازمنہ جدیدہ ایچنہ قدر اکثریا حربہ سببیت ویرمش اولدیفنی تاریخ اراہ ایلیر . مع مافیہ شوراسیدہ نا قابل انکاردرکہ اسکی و یگی اولان بعض احوالہ مسائل تجاریہ ایچون حربدن اجتناب ایدلمشدر ، لکن اقوامک منافع حیاتیہ سنہ متعلق اولانلرنده اصلا .

خلاصہ بر مرحوم معظمہ قارشی کمال حرمتلہ برابر « مصالحہ ابدیہ » اسمنده کی کتابنک بر جوق برلرینک ، مصالحہ ابدیہ لهنده اولہرق درمیان ایدیلان دلائلک و علی الخصوص اق « علاوہ » ده کی بیاناتک بسبتون قوتی زائل اولمامقلہ برابر - حربک محق و لازم اولدیفنہ دلالت ایلکده بولندیفنی ظن ایتکده یز . بوندن بشقہ کتاب مجوٹ عنہک طرز افادہ سی بالجلہ جسارت احرارانه یہ رغماً ، اساس مفتریاتدن عبارت اولان بزم شمیدیکی محرک لک افاداتی ایلہ الک بعید برمشاہتی بیلہ غیر جائز بولنمقدہ و مصالحہ محبانک سوسیل ده موقراتلر طرفندن فرض و قبول ایدیلان طرزده صنعت حرب و ارباب حربی تصویرہ یلتنک لری کی بر شینی اصلا احتوا ایتماکده در .

قانت ۱۷۹۵ سنہ سی کتابی یازدقدن صکرہ حرب لایتقطع دہا یکرمی سنہ دوام ایدوب صکرہ اوزون بر مدت یالکیز اختلالات و غرابسات حرب بیہ ایلہ سکتہ دار اولان دورہ صلحہ ترک موقع ایلشدر . بعض دارالحربلر اوزرنده واقع اولان و ہر حالہ بسبتون اہمیتدن عاری اولمیان وقایعدن قطع نظر ایدلیدیکی حالہ بیلہ : ترکیہ ۱۸۲۸ - ۲۹ ، لہستان ۱۸۳۰ ، مجارستان ، ایتالیا ، شہلزوئیک

۱۸۴۸ - ۵۰ . قارلیست حربلری و هندستانده و اوروپانك خارجنده کی اقسام
ارضده حربلر ده ۳۹ سنه دوام ایتمش و ۱۸۱۵ دن ۱۸۵۴ سنه سنه قدر بشکرار
اوروپا دول معظمه سی آرمسنده اعلان حربلر وقوع بولمشدر .

۱۸۱۵ سنه سی آوستریا ، پروسیه ، روسیه آرمسنده عقد ایدیلان و مؤخرآ
فرانسه نك دخی التحاق ایلدیکی « اتفاق مقدس » دین عیسی اساسلری گبی بر فکر
نجیه و بوجه تله محبت برادرانه اوزرینه استناد ایدرک بر نوع « ملتم نوع بشردر
وطنم روی زمین » عالمی تأسیس ایدلش ایدی .

بونك نتیجه سی نه اولدی ؟ يك معین بر استقامت سیاسیه واسطه و آلت
اوله رق روسیه و آوستریا اوله بر تفوق و قدرت احرازینه موفق اولدیلرکه
در حال آلمانیاده دخی اکثریت عظمایله هر نوع انکشافات ملیه و احرارانه قارشی
آنگا بر حائل ، برواسطه مانعه نظریله باقیلغه باشلاندى .

هر اوزون مصالحه دورمسنده فکر حرب تمامیله خواب عطالت ایچنده بویان
اولمشدر . صورت دائمده تهدیدکارانه اوله رق انسانلرک کوزلری اوکنده بولنمیان
شیلر عقلده اولماسه بیله حسیاتاً اکثریا جدیدنی ضایع ایتمکده در . ۱۸۳۰ و
علی الخصوص فائده سز اوله رق تیهرك نظارتی ایله احداث ایدیلان ۱۸۴۰ حربلرینك
مخاطراتی کچکدن صکره انسان کندینی آرتق امین عد ایدیوردی . بوندن بشقه
آلمانیاده دخی برنجی نابولیونك تحمیل ایلدیکی دوره سفالت تباعد ایستکجه اقبیوک
آدم حقنده حیرت و تقدیرات ده بولنق میدان آلمقده و فرانسه ایله آلمانیآ آرمسنده
بولنان قدیم نفرت و خصومت ملیه هیچ اولمازسه يك زیاده تخفف ایتمش بولنقده
ایدی . - هرابکی ملتك ادبیاتی حقنده متقابلاً اظهار ایدیلان تقدیرات محقانه
یول آله رق تأثیرلرینی اجرا ایتمکده ایدی ؛ آلمانیاده نسل جدید ، فرانسه افکار
مشروطیتنی قبولدن صکره بیلرلنده بولنان حسیات نفرتکارانه نك بسبتون منطقی
دکلسه بیله يك زیاده آزالمش اولدینی حالده فرانسه ده ایمراطورلغك بشکرار تأسسی
آنلرک و سوسه و اندیشه لرینی یگیدن حال اقتباه کتیردی . - اقصره لرده « مصالحه

ابدیه « فکری ایله اساساً ، اهمیت عظیمه اسناد ایتمکمزین ، براز انکلمترده قوبدن و طرفداری طرفندن اشتغال ایدلمکده ایدی .

۱۸۵۴ سنه سی ایله بریگی بیوک حربلر دورمسی ابتدا ایلدی که آتی فصل سابقده توصیف ایلش ایدک . بوراده یالکیز بردفمه ده شوراسنی اعلام ایتمک ایستهرز که ، قریم حربنده روسیه نیک قدرت استیلاسنک انکشافنه قارشنی علی العاده یالکیز اقوامک منافع حیاتیه سی و ۱۸۵۹ ، ۱۸۶۶ و ۱۸۷۰ - ۷۱ مجادلاتنده ایسه ایکی بیوک قومک اتحادی موضوع بحث ایدی . فقط حربک سوء استعمال ایدلمسنده تصادف ایتمکده بز . اوچنجی ناپولیون و فرانسه بزه صلاحوان حرب اولمهرق آلمانیا اتحادینک سکونتله وقوعه مامشات ایلمسه ایدی الساس لورن ایاالتلری بوکون دخی فرانسه نیک مالی قالمش اولوردی . عین زمانده یوکی دورۀ حرب ایله محبان صلحک بریکی فعالیتی باشلامقده در . بو فکرک تکلیف و ترویجی ایچون جمعیتلر تشکیل ایتمکده ، قونفرملر وقوع بولمقده ، بین الملل محکمۀ حاسمه فکری یگیدن میدان آلمقده ایدی . حربک شکل جدیدی محبانسانیت اولان اشخاصک روحلرنده بادی اولدینی سفالت و مضرتدن بسبتون اجتناب ایتمک آرزولرینی دوبالا ایلدی .

ایمدی ۱۸۴۸ سنه سندن بری - روسیه و ترکیه مستثنای اولمق اوزره - تکمیل اوروپاده سربستانه حق اجتماع و مطبوعات احرارنه موجود اولدیقندن طبیعیدرکه حال حاضرده حرکات صلیحیه قانت و سن پیر زمانلرنده اولدینی گبی اکثریا مطالعه خانه نیک سکونتتی ایچنه انحصار ایتموب بسبتون بشقه بر شکل اخذ ایلدی .

[مابعدی وار]

محمد رشدی

